

## BALTIMORA.

Gen. pl. ed. nou. n. 1068.

Recept. paleaceum. Pappus nullus. Cal. cylindricus, polyphyllus. Radius corollæ 5-florus.

I. BALTIMORA *recta*.

B. foliis oppositis.

Chrysanthemum americanum; caule alato, amplioribus foliis binatis, floribus pallide lutescentibus paruis.

Pluk. mant. 46. t. 342. f. 3.

Habitat in Marilandia, ad urbem Baltimore. ☉. H. V.

Caulis bipedalis, tetragonus, erectus, viridis: lateribus profunde canaliculatis: angulis scabris. Rami laterales, breuissimi. Folia opposita, petiolata, ouata, acuminata, serrata, trineruia; patentia, subtomentosa, pilis breuissimis sericeis; antiquioribus scabra. Paniculae terminales, paruae. Flores lutei. Corollulae disci tomentosae antheris nigris. Mant. 288.

Obs. Genus a *Milleria* distinctum est, planta licet similis.

## SILPHIVM.

Gen. plant. ed. nou. n. 1069.

Recept. paleaceum. Pappus marginato-bicornis. Cal. squarrosus.

I. SILPHIVM *laciniatum*.

R. foliis alternis pinnato finuatis. Lin. fl. fasc. I. t. I.

Habitat in America septentrionali, Mississipi. Collinson. 24

Radix perennis. Caulis bis humanae altitudinis, crassitie pollicis, simplicissimus, inferne laevis, superne tuberculis fuscis pilisque patulis albis scaber, teres. Folia alterna, petiolata, bipedalia longitudine, pedalia latitudine, basi amplexicaulia, pinnatifida: Laciniis utrinque 4. s. 5, distantibus, angustis, dentato-sinuatis, scabris, costis utrinque eleuatis solidissimis; margo foliorum superiorum purpurascens. Cal. ex squamis 10, in magnas subulatas spinas exeuntibus. Petala

M m m 4